

UGOVOR

za javnu nabavku radnih vatrogasnih uniformi putem direktnog sporazuma

I UGOVORNE STRANE

1. **KANTONALNA UPRAVA CIVILNE ZAŠTITE KANTONA SARAJEVO**, ul. Fehima ef. Čurčića br. 1., 71000 Sarajevo, koju zastupa direktor, Dženan Brkanić, (u daljnjem tekstu: **Kupac**), ID broj: 4200665390008
2. **EURO VEZ d.o.o.**, ul. Jelah Rosulje br.82, 74264 Tešanj koju zastupa direktor, Mirsad Ljevaković, (u daljnjem tekstu: **Prodavac**), ID broj: 4218558120002.

U daljnjem tekstu Ugovora, kada se Kupac i Prodavac navode zajednički, tj. zbirno, tada su označeni kao "**Ugovorne strane**".

II OSNOV ZA ZAKLJUČENJE UGOVORA

Osnov za zaključenje ovog Ugovora je ponuda Prodavca broj: IP:066-12/21 od 23.12.2021.godine, a dostavljena 27.12.2021. godine i Odluka o izboru najpovoljnijeg ponuđača, Kupca, broj: 06-11-1999-3/21 od 28.12.2021. godine.

III PREDMET UGOVORA

Član 1.

Predmet ovog Ugovora je nabavka radnih vatrogasnih uniformi (u daljem tekstu: roba) prema tehničkoj specifikaciji, koja je navedena u Obrascu za cijenu ponude i Zahtjevu za dostavu ponude Kupca, broj: 06-11-1922-1.1/21 od 22.12.2021. godine, kao i ponudi Prodavca broj: IP:066-12/21 od 23.12.2021. godine, koje čine sastavni dio ovog Ugovora.

Član 2.

Prodavac je dužan isporučiti predmet nabavke iz člana 1. ovog Ugovora prema svojoj Ponudi i specifikaciji Kupca.

IV CIJENA I NAČIN PLAĆANJA

Član 3.

Ukupna vrijednost ugovorene nabavke definisane u članu 1. ovog Ugovora iznosi: 5.967,00 KM (slovima: pethiljadadevetstotinašezdesetsedam KM).

U ukupnu cijenu iz stava 1. ovog člana, uračunat je PDV.

Cijena je fiksna i ne podliježe nikakvim promjenama za vrijeme trajanja Ugovora.

Kupac se obavezuje da će ukupni iznos iz stava 1. ovog člana isplatiti na račun Prodavca broj: 3385502203500782 otvoren kod UniCredit Bank.

Član 4.

Ugovorne strane su saglasne da će Kupac ukupan iznos iz člana 3. stav 1. ovog Ugovora isplatiti Prodavcu po obostranom potpisivanju ugovora, a nakon isporuke, u roku od sedam dana.

V ROK I MJESTO ISPORUKE

Član 5.

Prodavac se obavezuje da će robu iz člana 1. ovog Ugovora, isporučiti na adresu: Fehima ef. Čurčića br.1, najkasnije u roku od 15 dana nakon obostranog potpisivanja ovog Ugovora.

VI KVALITET ROBE

Član 6.

Prodavac se obavezuje da isporučena roba iz člana 1. ovog Ugovora, bude traženog kvaliteta i karakteristika, odnosno kvaliteta i karakteristika koji je dao u svojoj Ponudi broj: IP:066-12/21 od 23.12.2021. godine, a koju je Kupac odabrao kao prihvatljivu i kvalifikovanu.

Primopredaju robe izvršit će ovlašteni predstavnici Prodavca i Kupca.

VII OBAVEZE PRODAVCA I KUPCA

Član 7.

Prodavac se obavezuje:

- da će ugovorenu obavezu izvršiti blagovremeno, u ugovorenom roku iz člana 5. ovog Ugovora;
- da će uniforme isporučiti u konfekcijskim veličinama 52., 54. i 56 i to za svaku veličinu po pet kompleta radne vatrogasne uniforme iz Obrasca za cijenu ponude;
- da će cipele isporučiti u veličinama 43., 44. i 45. i to po pet pari za svaku veličinu;
- da će u najkraćem roku otkloniti eventualne nedostatke koji mu budu predloženi prilikom primopredaje robe iz člana 1. ovog Ugovora od strane ovlaštenog lica Kupca;
- da će ponuđenu robu iz člana 1. ovog Ugovora dostaviti na adresu iz člana 5. ovog Ugovora.

Član 8.

Kupac se obavezuje:

- da će izvršiti uplatu ukupne cijene vrijednosti ugovorene robe iz člana 3. ovog Ugovora, na način i u roku utvrđenom u članu 4. ovog Ugovora;
- da će pismeno obavijestiti Prodavca o svakom eventualnom propustu Prodavca u odnosu na pitanja utvrđena ovim Ugovorom.

VIII PRIJELAZNE I ZAVRŠNE ODREDBE

Član 9.

Prodavac nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 10.

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

Član 11.

Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko, iz bilo kojeg razloga, to ne bude moguće, nadležan je Općinski sud u Sarajevu.

Član 12.


Ovaj Ugovor stupa na snagu danom njegovog potpisivanja od strane ovlaštenih predstavnika Prodavca i Kupca.

Član 13.

Ugovor je sačinjen u 5 (slovima: pet) istovjetnih primjerka, od kojih Kupac zadržava 3 (tri), a Prodavac 2 (slovima: dva) potpisana i ovjerena primjerka.

ZA PRODAVCA
EURO VEZ d.o.o.

DIREKTOR


Mirsad Ljevaković

M.P.

Broj: 068/12
Sarajevo, 31.12.2021 godine

ZA KUPCA
KUČZ


M.P.

Dženan Brkanić

Broj: 06-11-1922-5/21
Sarajevo, 28.12.2021. godine

